



SLUŽBENE NOVINE TUZLANSKOG KANTONA

GODINA 24 • TUZLA, SRIJEDA, 1. NOVEMBAR 2017. GODINE • IZDANJE NA BOSANSKOM JEZIKU • BROJ 15

582

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 30.10.2017. godine, d o n o s i

Z A K O N

O IZMJENAMA I DOPUNAMA ZAKONA O MINISTARSTVIMA I DRUGIM ORGANIMA UPRAVE TUZLANSKOG KANTONA

Član 1.

U Zakonu o ministarstvima i drugim organima uprave Tuzlanskog kantona ("Službene novine Tuzlanskog kantona", br. 17/00, 3/01, 12/03, 10/05, 3/08, 8/11 i 15/13) u članu 5. tačka 3. mijenja se i glasi:

„3. Ministarstvo obrazovanja i nauke,“.

U istom članu tačka 6. mijenja se i glasi:

„6. Ministarstvo privrede,“.

U istom članu tačka 11. mijenja se i glasi:

„11. Ministarstvo za kulturu, sport i mlade,“.

Član 2.

Član 8. mijenja se i glasi:

“Član 8.

Ministarstvo obrazovanja i nauke vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;
- predškolski i osnovni odgoj i obrazovanje;
- srednje i srednje stručno obrazovanje, obrazovanje za obavljanje vezanih obrta, obrazovanje odraslih i visoko obrazovanje;
- pripremu prijedloga dugoročnog programa razvoja i koncepciju odgojno-obrazovnih ustanova;
- donošenje pedagoških standarda i normativa prostora, opreme i nastavnih sredstava za predškolski odgoj, osnovno, srednje i visoko obrazovanje;
- vođenje registara odgojno-obrazovnih ustanova predškolskog odgoja, osnovnog, srednjeg i visokog obrazovanja i obrazovanja odraslih;

- praćenje i poboljšanje učeničkog i studentskog standarda;

- praćenje i razvoj naučnoistraživačke djelatnosti i naučnotehničkih informacija i komunikacija na području Kantona te provođenje propisa iz ove oblasti;

- provođenje propisa iz oblasti sigurnosti saobraćaja na putevima u Bosni i Hercegovini, u dijelu kojim su utvrđene nadležnosti Ministarstva;

- vođenje registra naučnoistraživačkih organizacija;

- vođenje baze podataka odgojno-obrazovnih ustanova i naučnoistraživačkih organizacija kao i drugih pravnih i fizičkih lica nad čijim radom nadzor vrši Ministarstvo;

- nadzor nad zakonitošću rada ustanova i drugih pravnih i fizičkih lica iz oblasti obrazovanja i nauke;

- pripremanje nacrti i prijedloga zakona i drugih propisa iz nadležnosti Ministarstva i donošenje provedbenih propisa kada je to zakonom određeno;

- rješavanje o upravnim stvarima iz nadležnosti Ministarstva;

- izdavanje isprava iz nadležnosti Ministarstva i vođenje propisanih službenih evidencija;

- vršenje drugih poslova iz ove oblasti u skladu sa zakonom i drugim propisima.”

Član 3.

Član 11. mijenja se i glasi:

“Član 11.

Ministarstvo privrede vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;

- provođenje politike u oblasti industrije, poduzetništva, rudarstva i energetike;

- praćenje proizvodnje i preduzimanje odgovarajućih mjera za njeno ostvarenje i unapređenje u privrednim subjektima prema kojima ovlaštenja i obaveze vlasnika kapitala vrši Kanton;

- praćenje geoloških istraživanja i eksploatacije mineralnih sirovina u skladu sa zakonima;

- iskorištavanje prirodnih bogatstava;

- aktivnosti na provođenju postupaka dodjele koncesija iz nadležnosti Ministarstva;

- učestvovanje u procesu tranzicije i privatizacije privrednih društava u oblastima iz nadležnosti Ministarstva;

- praćenje i analiziranje stanja u oblastima iz nadležnosti Ministarstva i predlaganje odgovarajućih mjera;
- informisanje Vlade Kantona o stanju i kretanjima u oblastima iz nadležnosti Ministarstva;
- predlaganje propisa, projekata i programa koji podstiču ulaganja u razvoj privrede Kantona;
- saradnja sa naučnim i stručnim institucijama, naučno-tehnološkim parkovima i poslovno-tehnološkim inkubatorima u zastupanju interesa razvoja Kantona;
- implementacija projekata od značaja za Kanton, upravljanje domaćim i stranim sredstvima namijenjenim za realizaciju tih projekata;
- utvrđivanje prioriternih programa razvoja i prijedloga Programa javnih investicija Kantona;
- praćenje implementacije usvojenih projekata i informisanje o ostalim pitanjima bitnim za ostvarivanje procesa razvoja Kantona;
- koordinaciju rada sa resornim ministarstvima u Kantonu, lokalnom samoupravom, stranim vladinim i nevladinim organizacijama čija se djelatnost odnosi na razvoj, poduzetništvo, obrtništvo i poduzetničku infrastrukturu;
- učestvovanje u izradi strategije razvoja Kantona, Federacije BiH i države BiH vezano za oblast industrije, rudarstva, energetike i poduzetništva;
- podršku jačanju konkurentnosti subjekata male privrede, promocija poduzetništva i obrtništva kao i sistemsko podsticanje razvoja privrede Kantona;
- praćenje rada organa upravljanja u privrednim društvima sa učešćem državnog kapitala koja obavljaju djelatnosti iz nadležnosti Ministarstva;
- pripremanje nacrti i prijedloga zakona i drugih propisa iz nadležnosti Ministarstva i donošenje provedbenih propisa kada je to zakonom određeno;
- izradu stručnih analiza i izvještaja;
- rješavanje upravnih stvari iz nadležnosti Ministarstva;
- vršenje drugih poslova u skladu sa zakonom i drugim propisima.”

Član 4.

U članu 12. iza stava 1. dodaju se stavovi 2. i 3., koji glase:

„U sastavu Ministarstva trgovine, turizma i saobraćaja je upravna organizacija Kantonalna direkcija robnih rezervi.

Kantonalna direkcija robnih rezervi vrši stručne i druge poslove od posebnog interesa za Kanton, koji se odnose na:

- nabavku, razmještaj, zadržavanje, čuvanje i korištenje robnih rezervi;
- formiranje robnih rezervi u skladu s planom robnih rezervi ugovaranjem proizvodnje pojedinih proizvoda, otkupom tržišnih viškova poljoprivrednih proizvoda, deponovanjem novca i na druge načine;
- korištenje robnih rezervi u skladu sa zakonom, drugim propisima i podzakonskim aktima;
- predlaganje provedbenih propisa i drugih akata iz svoje nadležnosti koje donosi Vlada Kantona u skladu sa zakonom;
- provođenje drugih mjera u cilju intervencije na tržištu u skladu sa zakonom i drugim propisima;
- bilansiranje roba za potrebe rezervi Kantona;

- saradnju sa organima za robne rezerve u Federaciji, drugim kantonima, gradovima, općinama i privrednim društvima;

- vršenje drugih poslova u vezi sa robnim rezervama u skladu sa zakonom i drugim propisima ili po zahtjevu Vlade Kantona i Ministarstva trgovine, turizma i saobraćaja.“

Član 5.

Član 16. mijenja se i glasi:

“Član 16.

Ministarstvo za kulturu, sport i mlade vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;

- praćenje i razvoj djelatnosti kulture (muzejske, arhivske, bibliotečke, izdavačke, pozorišne, muzičke, likovne, filmske i druge djelatnosti kulture);

- zaštitu i korištenje kulturno-historijskog naslijeđa;

- utvrđivanje standarda i normativa za obavljanje djelatnosti u oblasti kulture;

- vođenje registara ustanova kulture i drugih pravnih i fizičkih lica koja obavljaju djelatnosti iz oblasti kulture;

- praćenje stanja i poboljšanje obavljanja djelatnosti iz oblasti tehničke kulture;

- praćenje i podržavanje sportista i sportskih udruženja od interesa za Kanton;

- vođenje registara sportista i pravnih subjekata koji obavljaju djelatnosti iz oblasti sporta;

- utvrđivanje politike u vezi sa osnivanjem i radom radija i televizije i pripremu propisa koji regulišu sistem informisanja;

- vođenje baze podataka ustanova kulture, sporta i informisanja, kao i drugih pravnih i fizičkih lica, nad čijim radom nadzor vrši Ministarstvo;

- nadzor nad zakonitošću rada ustanova i drugih pravnih i fizičkih lica iz oblasti kulture, sporta i informisanja;

- definisanje i provedba strategije prema mladima;

- definisanje i provođenje kantonalnih programa djelovanja za mlade u pojedinim oblastima omladinskog sektora propisanih Zakonom o mladima Federacije BiH (“Službene novine Federacije Bosne i Hercegovine”, broj: 36/10);

- praćenje pružanja potpore mladima koja dolazi od nevladinog sektora;

- vođenje spiska udruženja, institucija, ustanova, međunarodnih i drugih organizacija koje rade s mladima ili pružaju potporu omladinskim aktivnostima;

- koordinacija aktivnosti u vezi s radom s mladima i omladinskim aktivnostima;

- uočavanje negativnih uticaja na mlade bilo koje institucije, udruženja ili organizacije, uključujući i međunarodne organizacije, a koji su u suprotnosti sa Ustavom i zakonom, kao i predlaganje za poduzimanje zakonskih mjera koje provode nadležna tijela;

- savjetovanje mladih i njihovih predstavnika, naročito o pravnim postupcima ostvarivanja prava i izvršavanja obaveza koje se temelje na Zakonu o mladima Federacije BiH i drugim zakonima;

- osiguranje minimuma mjera na planu rada s mladima i omladinskih aktivnosti, kao i mehanizama i kapaciteta propisanih Zakonom o mladima Federacije BiH;
- pripremanje nacrti i prijedloga zakona i drugih propisa iz nadležnosti Ministarstva i donošenje provedbenih propisa kada je to zakonom određeno;
- rješavanje o upravnim stvarima iz nadležnosti Ministarstva;
- izdavanje isprava iz nadležnosti Ministarstva i vođenje propisanih službenih evidencija;
- vršenje drugih poslova iz ove oblasti u skladu sa zakonom i drugim propisima.”

Član 6.

U članu 17a. u stavu 2. iza riječi „pomoći“ briše se zarez i dodaje se slovo „i“, a riječi „i Kantonalna direkcija robnih rezervi“ brišu se.

Član 7.

Član 18d. briše se.

Član 8.

U član 22. stav 2. mijenja se i glasi:

“U rukovođenju ministarstvom ministar naročito:

- predstavlja i zastupa ministarstvo, te organizuje izvršavanje poslova iz nadležnosti ministarstva;
- obezbjeđuje provođenje kantonalne politike i izvršavanje zakona i drugih propisa iz nadležnosti ministarstva;
- obezbjeđuje vršenje poslova i postupanje u skladu sa uputstvima i smjernicama Vlade Kantona o načinu sprovođenja utvrđene politike i izvršavanje kantonalnih zakona i drugih propisa u oblastima iz nadležnosti ministarstva;
- osigurava zakonito i efikasno obavljanje poslova iz nadležnosti ministarstva;
- donosi podzakonske propise i druge opće i pojedinačne akte za koje je zakonom ovlašten;
- vrši i druge poslove u skladu sa zakonom.“

Član 9.

Član 23. briše se.

Član 10.

Član 25. mijenja se i glasi:

“Član 25.

Ministar može biti lice koje ima najmanje VII stepen stručne spreme ili visoko obrazovanje najmanje prvog ciklusa Bolonjskog sistema studiranja koje se vrednuje sa najmanje 240 ECTS bodova i koje odgovara prirodi i vrsti posla iz nadležnosti ministarstva.”

Član 11.

U članu 26. riječ “rukovodeći” zamjenjuje se riječju “državni”.

Član 12.

U članu 27. stav 2. mijenja se i glasi:

“Način i postupak imenovanja i razrješenja, kao i ovlaštenja i odgovornosti direktora uprave i upravne organizacije se uređuju zakonom.”

Član 13.

Član 28. mijenja se i glasi:

“Član 28.

Uslovi za imenovanje direktora uprave i upravne organizacije se utvrđuju propisom Vlade Kantona, ako zakonom nije drugačije uređeno.”

Član 14.

Iza člana 35o. dodaju se novi članovi 35p., 35r., 35s., 35t., 35u., 35v. i 35z., koji glase:

“Član 35p.

Danom početka primjene ovog zakona Kantonalna direkcija robnih rezervi prestaje sa radom kao samostalna upravna organizacija i nastavlja sa radom kao upravna organizacija u sastavu Ministarstva trgovine, turizma i saobraćaja.

Direktor dosadašnje direkcije iz stava 1. ovog člana vršit će dužnost direktora upravne organizacije u sastavu ministarstva do imenovanja direktora u postupku propisanom zakonom.

Član 35r.

Ministarstvo privrede, Ministarstvo obrazovanja i nauke i Ministarstvo za kulturu, sport i mlade počinju sa radom danom stupanja na dužnost ministara koji rukovode tim ministarstvima.

Član 35s.

Danom početka rada Ministarstva privrede prestaju sa radom Ministarstvo industrije, energetike i rudarstva i Ministarstvo razvoja i poduzetništva.

Danom početka rada Ministarstva obrazovanja i nauke i Ministarstva za kulturu, sport i mlade prestaje sa radom Ministarstvo obrazovanja, nauke, kulture i sporta.

Član 35t.

Ministar trgovine, turizma i saobraćaja je dužan donijeti novi Pravilnik o unutrašnjoj organizaciji Ministarstva u roku od 30 dana od dana početka primjene ovog zakona.

Ministar privrede, ministar obrazovanja i nauke i ministar za kulturu, sport i mlade su dužni donijeti nove pravilnike o unutrašnjoj organizaciji tih ministarstava u roku od 30 dana od dana stupanja na dužnost.

Član 35u.

U roku od 30 dana od dana donošenja pravilnika iz člana 35t. ovog zakona, izvršit će se postavljenje odnosno raspoređivanje državnih službenika i namještenika u skladu sa tim pravilnicima.

Član 35v.

Državni službenici i namještenici koji se na dan početka primjene ovog zakona zateknu u radnom odnosu u Kantonalnoj direkciji robnih rezervi, preuzimaju se u Ministarstvo trgovine, turizma i saobraćaja.

Vlada Kantona će donijeti odluku o prenosu sredstava, opreme, dokumentacije, arhive i dr. sa Kantonalne direkcije robnih rezervi na Ministarstvo trgovine, turizma i saobraćaja.

Član 35z.

Državni službenici i namještenici koji se na dan početka rada Ministarstva privrede zateknu u radnom odnosu u Ministarstvu industrije, energetike i rudarstva i Ministarstvu razvoja i poduzetništva preuzimaju se u Ministarstvo privrede.

Vlada Kantona će donijeti odluku o prenosu sredstava, opreme, dokumentacije, arhive i dr. sa Ministarstva industrije, energetike i rudarstva i Ministarstva razvoja i poduzetništva na Ministarstvo privrede.

Državni službenici i namještenici koji se zateknu u radnom odnosu u Ministarstvu obrazovanja, nauke, kulture i sporta, a koji rade na poslovima iz oblasti obrazovanja i nauke preuzimaju se u Ministarstvo obrazovanja i nauke danom početka rada tog ministarstva.

Državni službenici i namještenici koji se zateknu u radnom odnosu u Ministarstvu obrazovanja, nauke, kulture i sporta, a koji rade na poslovima iz oblasti kulture, sporta i informisanja preuzimaju se u Ministarstvo za kulturu, sport i mlade danom početka rada tog ministarstva.

Podjela sredstava, opreme, inventara, dokumentacije, arhive i dr. Ministarstva obrazovanja, nauke, kulture i sporta između Ministarstva obrazovanja i nauke i Ministarstva za kulturu, sport i mlade izvršit će se na osnovu odluke Vlade Kantona.”

Član 15.

U roku od 30 dana od dana stupanja na snagu ovog zakona izvršit će se usklađivanje kantonalnih zakona i drugih propisa sa odredbama ovog zakona.

Član 16.

Ovlašćuje se Zakonodavno-pravna komisija Skupštine Tuzlanskog kantona da utvrdi prečišćeni tekst Zakona o ministarstvima i drugim organima uprave Tuzlanskog kantona.

Član 17.

Ovaj zakon stupa na snagu osmog dana od dana objavljivanja u “Službenim novinama Tuzlanskog kantona”, a početak će se primjenjivati od 01.01.2018. godine.

Bosna i Hercegovina - Federacija Bosne i Hercegovine - TUZLANSKI KANTON Skupština	PREDSJEDNIK Skupštine Tuzlanskog kantona, Senad Alić, v.r.
Broj: 01-02-401-10/17 Tuzla, 30.10.2017. godine	

583

Na osnovu člana 24. stav 1. tačka c) Ustava Tuzlanskog kantona (“Službene novine Tuzlansko-podrinjskog kantona”, br. 7/97 i 3/99 i “Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 30.10.2017. godine, d o n o s i

ZAKON O IZMJENI ZAKONA O VLADI TUZLANSKOG KANTONA

Član 1.

U Zakonu o Vladi Tuzlanskog kantona (“Službene novine Tuzlanskog kantona”, br. 17/00, 1/05, 11/06 i 13/11), u članu 7. u stavu 1. alineja 4. mijenja se i glasi:

„- ministar obrazovanja i nauke,“.

U istom stavu alineja 7. mijenja se i glasi:

„- ministar privrede,“.

U istom stavu alineja 12. mijenja se i glasi:

„- ministar za kulturu, sport i mlade,“.

Član 2.

Ovaj zakon stupa na snagu osmog dana od dana objavljivanja u “Službenim novinama Tuzlanskog kantona”, a početak će se primjenjivati od 01.01.2018. godine.

Bosna i Hercegovina - Federacija Bosne i Hercegovine - TUZLANSKI KANTON Skupština	PREDSJEDNIK Skupštine Tuzlanskog kantona, Senad Alić, v.r.
Broj: 01-02-505-4/17 Tuzla, 30.10.2017. godine	

584

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 30.10.2017. godine, d o n o s i

ZAKON O IZMJENI I DOPUNI ZAKONA O VISOKOM OBRAZOVANJU

Član 1.

U Zakonu o visokom obrazovanju („Službene novine Tuzlanskog kantona“, br. 7/16, 10/16 i 5/17), iza člana 135. dodaje se novi član 135a., koji glasi:

„Član 135a.

(Poseban način prelaska u završnu godinu studija)

Student prethodne godine studija kojeg na toj godini studija sustiže izmjenjeni nastavni plan i nastavni program, koji je ovjerio semestar i studijsku godinu a nije stekao uslov za upis u završnu godinu studija, ima pravo upisa završne godine studija bez utvrđivanja dodatnih obaveza za prethodnu godinu studija kao i za ostale godine studija koje je uspješno okončao.“

Član 2.

U članu 150. stav (1) mijenja se i glasi:

„(1) Student imatrikulant zatečen u tom statusu na dan stupanja na snagu ovog zakona ima pravo dovršiti započeti studij po nastavnom planu i nastavnom programu koji je važio prilikom upisa u prvu godinu studija i steći odgovarajući stručni, odnosno naučni naziv prema propisima koji su važili u vrijeme upisa na prvu godinu studija.“

Član 3.

(Stupanje na snagu)

Ovaj zakon stupa na snagu danom objavljivanja u „Službenim novinama Tuzlanskog kantona“, a primjenjuje se od akademske 2017/2018. godine.

Bosna i Hercegovina - Federacija Bosne i Hercegovine - TUZLANSKI KANTON Skupština	PREDSJEDNIK Skupštine Tuzlanskog kantona, Senad Alić, v.r.
Broj: 01-02-503-7/17 Tuzla, 30.10.2017. godine	

585

Na osnovu člana 24. stav 1. tačka n) Ustava Tuzlanskog kantona („Službene novine Tuzlansko-podrinjskog kantona“ br. 7/97 i 3/99 i „Službene novine Tuzlanskog kantona“ br. 13/99, 10/00, 14/02, 6/04 i 10/04), a u vezi sa članom 29. stav (5) Zakona o unutrašnjim poslovima Tuzlanskog kantona („Službene novine Tuzlanskog kantona“ br. 4/10, 5/11, 14/11, 2/12, 8/13, 10/14, 9/15, 13/16 i 14/17), na prijedlog Komisije za izbor i imenovanja Skupštine Tuzlanskog kantona, Skupština Tuzlanskog kantona, na sjednici održanoj 30.10.2017. godine, donosi

O D L U K U**o imenovanju člana Nezavisnog odbora****I.**

Zvonko Pranjic imenuje se za člana Nezavisnog odbora na period do isteka mandata Nezavisnog odbora imenovanog Odlukom o imenovanju Nezavisnog odbora broj: 01-02-325-45/14 od 29.7.2015. godine.

II.

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-352-31/17
Tuzla, 30.10.2017. godine

PREDSJEDNIK
Skupštine Tuzlanskog
kantona,
Senad Alić, v.r.

586

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko – podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana 30.10.2017. godine, donosi

O D L U K U**o davanju saglasnosti****Član 1.**

Daje se saglasnost na Odluku Vlade Tuzlanskog kantona broj: 02/1-14-24902-1/17 od 24.10.2017. godine o davanju saglasnosti Javnoj ustanovi “Direkcija regionalnih cesta Tuzlanskog kantona” za kreditno zaduženje radi obezbjeđenja finansijskih sredstava u iznosu 20.000.000,00 KM (slovima: dvadesetmiliona i 00/100 KM) kod Razvojne banke Federacije Bosne i Hercegovine.

Član 2.

Odluka stupa na snagu danom donošenja i bit će objavljena u “Službenim novinama Tuzlanskog kantona”.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-530-3/17
Tuzla, 30.10.2017. godine

PREDSJEDNIK
Skupštine Tuzlanskog
kantona,
Senad Alić, v.r.

587

Na osnovu člana 24. stav 1. tačka n) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Komisije za izbor i imenovanja Skupštine Tuzlanskog kantona, Skupština Tuzlanskog kantona, na sjednici održanoj 30.10.2017. godine, donosi

O D L U K U**o izmjeni Odluke o izboru i imenovanju članova u stalna i povremena radna tijela Skupštine Tuzlanskog kantona****I.**

U Odluci o izboru i imenovanju članova u stalna i povremena radna tijela Skupštine Tuzlanskog kantona („Službene novine Tuzlanskog kantona“ br. 2/15, 6/15, 14/15, 2/16, 6/16, 12/16, 4/17 i 7/17), vrši se sljedeća izmjena:

- U Komisiju za pravdu, ljudska prava, građanske slobode Skupštine Tuzlanskog kantona, umjesto člana Jasne Klapić, imenuje se član Sead Hasić.

II.

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-90-26/15
Tuzla, 30.10.2017. godine

PREDSJEDNIK
Skupštine Tuzlanskog
kantona,
Senad Alić, v.r.

588

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11) a u vezi sa članovima 7. i 15. Zakona o osnivanju Javne ustanove Direkcija regionalnih cesta Tuzlanskog kantona („Službene novine Tuzlanskog kantona“, br. 12/13 i 7/15), Vlada Tuzlanskog kantona, na sjednici održanoj dana 24.10.2017. godine, donosi

O D L U K U**o davanju saglasnosti****I.**

Daje se saglasnost Javnoj ustanovi „Direkcija regionalnih cesta Tuzlanskog kantona“ za kreditno zaduženje radi obezbjeđenja finansijskih sredstva u iznosu 20.000.000,00 KM (slovima: dvadesetmiliona i 00/100 KM) kod Razvojne banke Federacije Bosne i Hercegovine.

II.

Kreditno zaduženje iz tačke I. ove odluke izvršit će se pod sljedećim uslovima:

- iznos kredita: 20.000.000,00 KM,
- rok otplate: 12 godina.

III.

Za realizaciju ove odluke zadužuje se direktor Javne ustanove „Direkcija regionalnih cesta Tuzlanskog kantona“.

IV.

Finansijska sredstva iz tačke I. ove odluke koristit će se za potrebe finansiranja rekonstrukcije, sanacije i izgradnje regionalnih cesta, lokalnih cesta od značaja za Tuzlanski kanton i objekata na tim cestama.

V.

O vrsti instrumenta obezbjeđenja kreditnih sredstava odlučit će se posebnom odlukom nadležnog organa.

VI.

Odluka stupa na snagu danom dobijanja saglasnosti Skupštine Tuzlanskog kantona i objavit će se u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
VLADA

PREMIJER KANTONA
Bego Gutić, v.r.

Broj: 02/1-14-24902-1/17
Tuzla, 24.10.2017. godine

"Službene novine Tuzlanskog kantona"**broj: 15/2017****SADRŽAJ****SKUPŠTINA**

582. Zakon o izmjenama i dopunama Zakona o ministarstvima i drugim organima uprave Tuzlanskog kantona 1365
583. Zakon o izmjeni Zakona o Vladi Tuzlanskog kantona 1368
584. Zakon o izmjeni i dopuni Zakona o visokom obrazovanju 1368
585. Odluka o imenovanju člana Nezavisnog odbora, broj: 01-02-352-31/17 od 30.10.2017. godine 1369
586. Odluka o davanju saglasnosti, broj: 01-02-530-3/17 od 30.10.2017. godine (na Odluku Vlade Tuzlanskog kantona broj: 02/1-14-24902-1/17 od 24.10.2017. godine) 1369
587. Odluka o izmjeni Odluke o izboru i imenovanju članova u stalna i povremena radna tijela Skupštine Tuzlanskog kantona, broj: 01-02-90-26/15 od 30.10.2017. godine 1369

VLADA

588. Odluka o davanju saglasnosti, broj: 02/1-14-24902-1/17 od 24.10.2017. godine (kreditno zaduženje JU „Direkcija regionalnih cesta Tuzlanskog kantona“) 1369

